

D981

U B976 BAH

MAHATHIR-CUEPACS

KUALA LUMPUR, 24 OKT. (BERNAMA) -- PERDANA MENTERI DATUK SERI DR MAHATHIR MOHAMAD HARI INI BERKATA TARIKH PERTEMUANNYA DENGAN CUEPACS DAN KELIMA-LIMA MAJLIS BERSAMA KEBANGSAAN MASIH BELUM DITENTUKAN LAGI.

SEMASA MENJAWAB SOALAN PARA PEMBERITA MENGENAI PERTEMUAN ITU, BELIAU HANYA BERKATA, +IA MASIH BELUM DITETAPKAN LAGI+.

BELIAU ENGGAN MENGULAS LEBIH LANJUT MENGENAINYA DAN TERUS MEMASUKI KERETANYA SETELAH MELAWAT BANGUNAN BARU TABUNG HAJI DI SINI.

BEBERAPA HARI LALU, PRESIDEN CUEPACS ENCIK AHMAD NOR MENGESAHKAN PENERIMAAN SURAT RASMI PERDANA MENTERI MENJEMPUTNYA SERTA WAKIL CUEPACS DAN MBK UNTUK BERBINCANG.

PERSETUJUAN PERDANA MENTERI ITU MENDORONGI PEMBATALAN PIKET SELURUH NEGARA OLEH CUEPACS DAN MBK YANG DIJADUALKAN SEMALAM. -- LAGI.

MAHATHIR-CUEPACS 2 KUALA LUMPUR

SEMALAM ENCIK AHMAD NOR BERKATA BELIAU MENJANGKA PERTEMUAN ITU AKAN DIADAKAN SEBELUM HARI BELANJAWAN ESOK.

SEMASA TIBA DARI BAHAMAS TEMPOH HARI, DATUK SERI DR MAHATHIR ENGGAN MENGESAHKAN KENYATAAN MENTERI PENERANGAN MINGGU LALU YANG MENGATAKAN PERTEMUANNYA DENGAN CUEPACS DAN KELIMA-LIMA MBK BOLEH DIADAKAN SEBELUM SEMALAM.

BELIAU DILAPORKAN BERKATA, +MASIH BANYAK MASA UNTUK MEMBUAT PENGUMUMAN ITU+. -- BERNAMA

1611MST 24 10 85